

293 jemaah haji penerbangan kumpulan keempat selamat berlepas ke Tanah Suci

Oleh AHMAD FADHLULLAH ADNAN
6 Jun 2022, 4:18 pm



PETALING JAYA: Seramai 293 jemaah haji penerbangan kumpulan keempat (KT04) selamat berlepas ke Tanah Suci, tengah hari tadi.

Menurut Tabung Haji, jemaah haji KT04 itu bertolak dari Movenpick Hotel and Convention Centre (MHCC) ke Lapangan Terbang Antarabangsa Kuala Lumpur (KLIA) pada pukul 9.45 pagi tadi dan berlepas ke Madinah pada pukul 12.43 tengah hari.

"Mereka dijangka sampai pada pukul 4.20 petang waktu Arab Saudi. Semoga perjalanan jemaah haji Malaysia dipermudahkan Allah SWT," menurut laman Facebook rasmi, hari ini.

Ketika ini dianggarkan kira-kira 876 jemaah haji sudah berada di Tanah Suci sejak penerbangan kumpulan pertama pada Sabtu lalu.

Dianggarkan sejumlah 14,306 individu dijangka menjadi tetamu Allah mengikut ketetapan kuota rasmi Malaysia bagi musim haji 1443H/2022M. – UTUSAN